

## ZAKLJUČCI SA SKUPŠTINE SAVEZA GIG-a SR BiH

Dana 6. oktobra 1972. godine održana je u Sarajevu Jubilarna godišnja skupština Saveza geodetskih inženjera i geometara BiH. Okupljeni na ovoj skupštini geodetski stručnjaci Bosne i Hercegovine svjesni svog zadatka - svoje uloge u privrednom životu naše Republike, smatraju da u narednom periodu ovaj rad treba prvenstveno usmjeriti na slijedeće zadatke:

1. Aktivirati rad podružnice, geodetskih inženjera i geometara u Banja Luci, Mostaru, Tuzli i Zenici. Takodjer nastojati da se formiraju podružnice i u drugim većim centrima. Posebnu pažnju posvetiti uključivanju mladih geodetskih stručnjaka u rad podružnica.
2. Podržati akciju Saveza inženjera i tehničara BiH oko osnivanja opštih društava inženjera i tehničara u manjim mjestima u čijem sastavu bi radili i geodetski stručnjaci.
3. Povećana članarina u iznosu od 5,00 dinara mjesečno (koju treba redovno ubirati) sa pretplatom na geodetski list ne obezbjeđuje dovoljno sredstava za normalan rad Saveza, te je nužno konkretnim akcijama i programima obezbijediti dio sredstava za rad, a drugi dio sredstava treba da obezbijedi Predsjedništvo putem dogovora sa geodetskim institucijama.
4. Pružati pomoć stručnim publikacijama jugoslovenskog značaja "GEODETSKOM GODIŠNJAKU" i "GEODETSKOM LISTU" pisanjem članaka i pretplatom.
5. Nastaviti izdavanje časopisa "GLASNIK", a preko Komisije za štampu detaljnije sagledati i analizirati fizionomiju i sadržaj.
6. Evidentna je činjenica da je geodetska djelatnost u Republici nekompletna, te je u narednom periodu nužno uložiti napore na svim nivoima i u svim geodetskim institucijama, kako bi smo razvili i kompletirali našu djelatnost u Republici. Posebnu pažnju posvetiti kartografiji i reprodukciji kao i uvodjenju automatizacije.
7. U cilju kompletiranja proizvodnje, ekonomičnijeg ulaganja sredstava i bržeg razvoja, nužno je da čim prije sve geodetske radne organizacije, škole i ustanove, donesu detaljnije programe i planove svog razvoja.
8. Kao preduslov daljnjem razvoju geodetske djelatnosti u našoj Republici neophodno je izmjeniti kvalifikacionu strukturu kadra. U tom cilju raditi i dalje na osnivanju geodet-

skog odsjeka pri Gradjevinskom fakultetu, na čemu se radi već skoro dvije godine.

9. Na nivou Republike organizovati naučno-istraživački rad i podržati ga gdje se god za to ukaže prilika.
10. Podržati da se što veći broj afirmisanih geodetskih stručnjaka-geometara iz prakse doškoluje i stekne veći stepen obrazovanja, te da im radne organizacije i organi uprave, pruže materijalnu pomoć.
11. Današnji stepen razvoja geodetske djelatnosti a posebno obaveze koje je sada Republika preuzela poslije usvajanja saveznih i republičkih amandmana, zahtijeva da i naša Republika posveti punu pažnju užoj specijalizaciji kadrova u svim oblastima. Posebnu pažnju treba posvetiti postdiplomskom studiju, raznim užim specijalnostima, seminarima, savjetovanjima, studijskim putovanjima i dr. Geodetske institucije trebaju da pruže punu materijalnu pomoć svim vidovima obrazovanja, a posebno postdiplomskom studiju.
12. Imajući u vidu veliki značaj i ulogu opštinskih geodetskih službi kako u pogledu očuvanja i ažuriranje geodetskih podloga i ostalih podataka tako i njihov značaj u rješavanju niza drugih opšt društvenih potreba, nužno je i dalje pružati odgovarajuću pomoć za njihovo osamostaljivanje, kadrovsko jačanje i bolje opremanje.
13. Nastaviti započetu akciju formiranja jedinstvene geodetske službe za grad Sarajevo.
14. U proteklom periodu izvršenje premjer grada Sarajeva. Ovo je krupan poduhvat geodetske struke. Iako nije lako nekoga izdvojiti, smatramo da bi ipak trebalo nekoga istaći: pojedinca a mogla bi biti i grupa od 2 do 3 člana koje bi trebalo predložiti za dodjelu "Sestoaprilske nagrade".
15. Pri donošenju zakonskih propisa i drugih akata od šireg značaja za struku, uključivati što veći broj naših stručnjaka.
16. Osnovati stručni savjet pri Republičkoj geodetskoj upravi SR BiH.
17. U zadnje vrijeme jedan broj geodetskih stručnjaka napušta radne organizacije, organe uprave kao i Republiku, dok je dan broj mijenja i struku. Razlozi ovoj pojavi su višestruki, te je nužno da se od strane Saveza, ovoj pojavi posveti odgovarajuća pažnja.
18. Posjetiti odgovarajuće društvene i političke strukture u Republici i upoznati ih sa problemima i poteškoćama geodetske djelatnosti.

19. Zabavnom životu u radu Saveza treba posvetiti veću pažnju i nastojati svake godine organizovati drugarsko veče, gdje bi pozvali i kolege koji se nalaze u penziji.

## POČASNI I ZASLUŽNI ČLANOVI GIG-a SR BiH

Na skupštini Saveza GIG-a BiH održanoj 1967. godine proglašeno je 13 drugova za počasne i zaslužne članove GIG-a. Na ovoj Jubilarnoj godišnjoj skupštini još 19 drugova i jedna drugarica dobilo je isto priznanje.

U prostorijama DIT-a u Sarajevu uz malu zakusku uručene su 33 Povelje, 33 priznanja za dugogodišnji rad.

Povelje su uručene počasnim članovima: Pavić Djuradj-Vaso, Prodanović Nikola; zaslužnim članovima: Muftić Husein, Muhamedagić Husein, Salihović Alija, Peterca Milan, Redžić Nazif, Glavaš Mile, Kurtović Dervić, Pajkanović Aco, Smajić Ismet, Vidović Danilo, Borojević Dojčin, Filipović Alihajdar, Ahmetanović Abdulah, Bruvo Risto, Čavić Stojan, Gavrić Boro, Krzić Mehmed, Vranješ Miloš, Sijerčić Sinan, Kotur Djordje, Filipović Faruk, Krnić Šerif, Radan Nenad, Lukić Vladimir, Milak Šefik, Milisavljević Slobodan, Sestić-Predanić Olga, Brdarevski Vasil, Tadić Fabijan, Smajić Rifat, Kuzmanović Pero

## RAD PREDSDJEDNIŠTVA SAVEZA GIG-a SR BiH

od 7. 10 do 31. 12. 1972. godine

Predsjedništvo je u ovom periodu održalo 3 sjednice.

Prva sjednica Predsjedništva održana je 26. 10. 1972. godine. Na ovoj sjednici konstituisano je predsjedništvo i to:

1. Milišić Božidar, predsjednik, zaposlen u G.Z. Sarajevo
2. Koroman Božo, potpredsjednik, zaposlen u Katastarskoj upravi Ilidža
3. Omerbašić Ferid, potpredsjednik, zaposlen u Republičkoj geod. upravi Sarajevo
4. Kološ Fikret, sekretar, zaposlen u Geodetskom zavodu Sarajevo
5. Hadžomerović Muhamed, blagajnik, zaposlen u Katastarskoj upravi Centar Sarajevo